

DEDICACI au Pouèto Jan AICARD

à Paris.

*Aiglo au vòu pouderaus, mountes vers lis estello,
Iéu m'enaure à grand peno au-dessus di meïssoun;
Degno abeïssa tis iue sus iéu, minço iroundello
E reçaupre enterin mi moudèsti cansoun*

J.-B.

Aumessas, lou 1er Juiet 1895.

SOUNET A LEON XIII

Au papo Leon trege, au pountife inmourtau,
Au diser, au sabènt, au filosofe, au sage
Nòsti cor arderous, noste tribut d'oumage.
Prince, Empeiraire, Rèi lou clamon soun egau,
A Roumo davans éu clinon si front reïau.
Dóu fin-founs de la Chino, enjusqu'i bord dóu Tage
Di pople en des-acord es la pas, l'arbitrage;
Tambèn rugis l'impie, enrajo; n'es malaut.
Podon boufa mistrau, marin, vènt de la pèsto
Esperit mau-fatan pos bandi la tempèsto,
Leon tranquile e dous subre la sourno mar,
Regis la nau que monte e grandis vers lou larg.
Es un lum, dins lou cèu, qu'enlumino la terro;
Lou chismo, l'eresiò an dí: — Plus ges de guerro.